



## **Universitätsbibliothek Paderborn**

**S. Avrel. Avgvstini Confessionvm Libri X**

**Augustinus, Aurelius**

**Coloniae, 1646**

Cap. XVI. Non omnia omnibus: quædam, ut inqui, conveniunt inferioribus  
creaturæ partibus; non est autem iniquitas substantia, sed summæ  
substantiæ derelictio.

**urn:nbn:de:hbz:466:1-10120**

## C A P. XVI.

*Non omnia omnibus : quædam , ut iniqui,  
conveniunt inferioribus creaturæ partibus;  
non est autem iniquitas substantia , sed  
summa substantia derelictio.*

I. a *E* T sensi , & expertus sum , non esse  
mirum , quod palato non sano pœ-  
na est panis , qui sano suavis est : & oculis  
ægris odiosa lux , quæ puris amabilis est. Et  
justitia tua displicet iniquis , ne dum vipera  
& vermiculus , quæ bona creasti , apta infe-  
rioribus creaturæ tuæ partibus , b quibus &  
ipsi iniqui apti sunt , quanto dissimiliores  
sunt tibi : apti autem superioribus , quanto  
similiores fiunt tibi. Et quæsivi , quid esset  
iniquitas , c & non inveni substantiam : sed  
à summa substantia te Deo , detortæ in infi-  
ma voluntatis perversitatem , projicientis  
intima sua , & tumescentis foras.

## N O T. A.

a *Et sensi , & experius sum , &c. ) Non ideo aliquid  
malum est , quia non convenit cuivis rei : alio-  
qui panis & lux mala essent , quia ægris odiosa  
sunt , imo ipsa justitia Dei bona non esset quia  
displicet iniquis , quos punit.*

b *Quibus & ipsi iniqui apti sunt ) vipera & ver-  
miculus , aliaque similia bona sunt , tum in se-  
metipsis , tum quia conveniunt terræ , cui con-  
sentaneum est talia gignere. Egregie vero ad-  
didit S. D. impios quoque aptos esse inferiori-  
bus partibus creaturæ , quod alibi pulchre ex-  
plicat. Habitationi ergo , inquit , cœlesti talis anima  
non congruit per peccatum , terrestri autem congruit  
persuppliūm : ut quodlibet elegerit , semper sit pulchra  
universitas , decenissimis partibus ordinata , cuius est  
conditor*

1.3. de lib.  
ab. c. 9.

conditor & administrator Deus. Namque optima anima, cum in infimis creaturis habitant, non eas ornant miseria sua, quam non habent, sed usu earum bono: si autem peccatrices anima permittantur habitare in sublimibus locis, in honestum est, quibus nec bene uti possunt, nec ornamenti aliquid conferunt. Quare sicut cruces & fures, rotæ & latrones, servus improbus & purgatio cloacæ, ornant turpitudine sua urbem & domum, justæ gubernationis decorum demonstrando: ita iniquitas peccatoris, & hujus alteriusque vitæ tribulatio, ipseque gehennæ ardor, conjuncta & redacta in quandam sui generis unitatem, ita creaturis reliquis coaptantur atque subtexuntur, ut universitati ordinatissimo decore conveniant, quemadmodum S. D. differit. Et sane convenit impios in infima terrarum parte, nempe inferno, cruciari, quia noluerunt ad cælum, supremam universi partem per virtutem aspirare. Sic nempe Deus de malis facit bene, & de turpibus pulchre.

c Et non inveni substantiam) tandem S. D. causam mali culpæ invenit, nempe malam voluntatem; quæ peccat dum à Deo se avertit, & ad bona creata convertit, ordine perverso. Vnde clarum est, I. Iniquitatem sive peccatum, non esse substantiam, sed summa substantia derelictionem. II. Voluntatem dum peccat, non esse causam efficientem, sed deficientem; deficere namque ab eo, quod summum est, ad id, quod minus est, hoc est habere malam voluntatem, sive peccare. III. Deum esse quidem causam actus mali, quantum ad id, quod habet entitatis & perfectionis, non autem, quantum ad id, quod habet de defectu. Sicut, quidquid est motus in claudicatione, causatur à virtute motivâ, sed quod est obliquitatis in ea, non ex virtute motivâ, sed ex curvitate cruris. Et similiter, quidquid est entitatis & actionis in actione mala, reducitur in Deum sicut in causam, sed quod est ibi defectus, non causatur à Deo, sed ex causa secunda deficiente, ut ait S. Th. Quamvis vero Deus non sit autor mali culpæ nec possit esse, quia supponit defectum in agente, in Deo autem nullus defectus est, sed summa perfectio. Malum tamen pœna & natura, quod in corruptione forma & integratatis rei consistit, reducitur in Deum tanquam in causam. Ad ordinem enim universi pertinet ordo iustitiae,

V. l. 12. de  
civ. c. 7.

i. p. q. 49.  
a. 3. ad 2.

stitia, qui requirit, ut peccatoribus pœna inferatur. Ordo item universi requirit, quod quadam sint, quæ deficere possint, & interdum deficiant. Et sic Deus causando bonum ordinis universi, ex consequenti, & quasi per accidens causat corruptiones rerum, ut docet S. Thomas l. c. ex mente S. Augustini lib. cc. Qui agnoscit tandem malum culpæ, non aliunde irrepsisse in universum, quam ex mala voluntate; reliqua vero quæ putantur mala, aut non esse mala, aut aliarum rerum generationes. Atque hic Septimus & postremus est gradus S. D. quo ad veritatis Catholica culmen concendit.

## V S V S.

1. Conemur Deo esse similes per gratiam & caritatem, ut apti simus superioribus partibus universi, id est celo; & caveamus, ne per dissimilitudinem peccati, apti fiamus ei parti terra, quæ mala est & pessima, nempe inferno.
2. Sicut Deus cuncta quæ fecit, videntur esse valde bona, ita nos utamur omnibus creaturis tanquam bonis, & idoneis ad prosecutionem finis nostri ultimi, qui est Deus.

## C A P. XVII.

Se gradatim à corporibus ad animam sentientem, inde ad sensum internum, ab hoc ad potentiam ratiocinantem & intelligentiam, ac demum ad cognitionem divinitatis, aliquatenus attigisse.

1. a E T mirabar, quod jam te amabam, non pro te phantasma. Et non stabam frui Deo meo, sed rapiebar ad te decorum tuo, moxque diripiebar abs te pondere meo, & ruebam in ista cum gemitu: & pondus hoc, consuetudo carnalis. Sed mecum erat memoria tui; neque ullo modo dubitabam esse, cui cohæcerem, sed nondum esse